



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 40. De SS. communionem.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO XL.
DE SS. COMMVNIONE.

PVNCTA MEDITATIONIS.

- I. Thomas cum ab cœtu Apostolorum Ioan. 20
absuisset, caruit visitatione Christi,
& incidit in periculum dubitationis,
pertinaciæ, &c.
- II. Christo apparente, in medio stante,
atque ipsum vocante, ita mutatus
est, ex actu SS. vulnerum, vt ex-
clamaret: Dominus meus, & Deus
meus!
- III. Quia vidisti me Thoma, credidisti:
beati, qui non viderunt, & credide-
runt.

MONITIO.

S GERTRVDIS, quæ Christo Domino
erat valdè familiaris, petijt aliquan-
do à Christo, quisnam modus foret op-
timus præparandi se ad sacram com-
munionem? Respondit, vt S. Thomam
imitaretur; & hic dabatur aliquod spe-
cimen.

Z 7

ANTE

DOCUMENTA.

1. **T**HOMAS non erat intus. Multum obfuit S. Thomæ, quod sicut alij Apostoli, post fugam, quæ tempore passionis acciderat, non reuocarit seipsum & ad vnum locum, vbi reliqui congregati erant, non redierit; sic etiam communicaturo, vel sacrû facturo, plurimum damni affert nimia effusio ad res saculares, omiſſa animi recollectione; quam qui seruant, Apostolorum more, Christum in medio sui experiuntur.

2. *Nisi videro &c. non credam.* Hic est effectus huius abitionis D. Thomæ scil. dubitatio seu tentatio de rebus fidei, vt de resurrectione Christi toties prædicta, item pertinacia, in proprio sensu aliis contemptis etiam superioribus; vt hic cum S. Thoma & D. Petro accidisse, probabile est. Cum tamen antea tam ardens fuerit, vt apud Dominum, cum aliis Apostolis constitutus diceret Ioan. 11. *Eamus & nos, & moriamur cum ipso.* Sic euenit hominibus piis, aut religiosis, qui tempore consolationis ad omnia sese quam promptissimos, ac paratissimos exhibent. Illi tamen ipsi, si in noxium aliquem teporem, defectu piorum exercitiorum aut alia ratione, inciderint, euadunt duri, contumaces, refractarij; vt vix iuuari possint; nisi eo modo, quem in S. Thoma videmus, manentur.

3. **S**TETIT IESVS. Hoc est conuersionis initium, quando Deus ex sola sua benignitate, sine vlllo nostro merito, stat in medio nostri, & cor ipsum per aliquam piam inspirationem commouet, aut animam alloquitur, sicut hic cum B. Thoma egit dicens: *Infer di-*

gitum

gitum huc &c. Ut consideret beneficia Dei in se, & maximè sacram eius passionem, quia nobis peccatorum remissionem obtinuit.

4. Dixit THOMAS: *Dominus meus & Deus meus*, hoc est alterum medium conuersionis, ex parte nostra. S. Thomas hic accersit ad Christum cū 4. virtutibus. 1. *cognitione* Dei ac sui, fatendo eum Dominum, se seruum; eum Deum, creatorem &c. se creaturam. 2. *cum humilitate*. 3. *cum pietate*, interna atque externa, qua decet nos, Deum accedere. 4. *cum purissima* intentione Deo ac Domino suo tantum placendi: Has virtutes qui seruat, facile cum Dei gratia iuuari potest, maxime si ante communionem vtatur præparationibus aptis quales præscribit. P. Iacobus Aluarez de Paz in libro maiori de modo religiose viuendi lib. 2. cap. 8.

POST COMMVNIONEM.

5. Supto intra cor tuū sacrosancto Christi corpore, conare vt intres in sacra eius vulnera, accedēs ad Dominum cum 4. virtutibus de quibus §. 4. dictum, vt ibi caritatem eius contempleris, vti faciendum docet S. Bonauentura in stimulo amoris.

6. *Dominus meus &c.* adhibendæ sunt variæ gratiarum actiones, vno die velut ad dominum; alio die ad Regem; tertio velut ad amicum patrem &c. prout tradit Iacobus Aluarez de Paz l. 2. c. 10. &c. dona petenda sunt, vt idem docet ex S. Bonauentura.

7. Offer teipsum ad labores, immo ad mortem ipsam; sicut fecit S. Thomas, quando ad Christum conuersus est; plurimos alios ad ipsum sua doctrina atque exemplo traducendo.

MEDI